

陳存仁編校

皇漢醫學叢書

中川成章著

證治摘要

上海中醫學院出版社

證治摘要

提要

本書爲東洞翁高足麓山中川成章所著。中川家世軒岐。博覽醫籍。於

執刀之暇。采摭古今方言。凡足以發明長沙之精髓。而不背疾醫之規範

者。悉皆摘錄。名曰證治摘要。示執簡御繁之意焉。孟子曰。大匠誨人。必以

規矩。學者亦必以規矩。是書其醫門之規矩也歟。

證治摘要序

蓋傷寒論雖缺乎。疾醫之道。粲然具在焉。且徵越人之傳。道之明也。炳猶日星矣。蓋張機沒。莫傳其法者。而晉有王醫令者。雖爲之羽翼。蛇足其說。鵠突其論。降迨六朝。兵風扇動之際。雖有雷敦僧深之輩。皆唱妄張異。詭說無稽。愈出愈亂。然靡有正其非者。而唐而宋元之諸家。說雖有逕庭。辟之旨子辨黑白。似其中偶然耳。獨至明又可。差異頭角。而自負新規。勃宰理窟之務。猶尙出彼繩也。未矣。均是數深之徒。於是乎疾醫之法。觚不觚而斯道大變焉。乎。更冕旒爲氈帽之兆歟。悲夫。我神祖自歸放牛馬來。昇平阜昌。文運所殖。有艮山子山。艾荆棘。闢古道。然而蓬之心。未全除也。東洞翁繼興。異撰破圍。出類溯古。豪俊卓見。燭於彼日沒之國。迷暗之醫。復明越人之術。於我日出之邦。於是著方極諸書也。四方負笈者。靡然嚮風矣。余曰。窺門牆者。仰其巍巍耳。欲觀文物之美。周旋之儀。非攝齊。則不能焉。吁。風木不停。翁旣逝矣。其唯方極乎。而文宗簡易。辭多省略。是以膚淺之徒。驟難通曉也。頃中川先生。執刀之暇。不拘方之今古。視其可者。采采掇捫。鳩成斯篇。夫欲濟河海求舟。然無乘快風。不駛也。欲返越裳嚮南。然非得指南不到也。然則此舉也。翁之快風。而機之指南也。或曰。機云。隨證治之。然則謂之指南猶可也。翁曰。多味者可疑。如此余未信矣。惡惡知之。夫翁之教。卽機之道也。其唯傷寒論乎。欲通傷寒論。必始於方極。然學不

師古。手未染此者。安達其意耶。一旦對病。心與目達。亦盲子辨色耳。夫欲入室者。先升堂。而階之自欲。追跡於張氏。自此升哉。乃先生之力。豈不多耶。此唯學緒餘已。雖然。頗見其志焉。文久壬戌黃鐘月雲窗金謙撰

凡例

- 一 本文稱醫言者。香川氏所著行餘醫言也。說約醫事說約也。
- 一 一貫和田氏所著百病一貫也。紀聞即方輿紀聞也。
- 一 祕錄華岡之門人本間氏所著瘍科祕錄也。
- 一 小言南陽所著醫事小言也。
- 一 雖後世醫書。活用古方自有經驗者取之。所以見古方之妙也。
- 一 夫後世之醫書。雖大義粗乖。然宋元以降。醫書之夥。又安可謂無半策片簡之可取乎。其不虛語者取之。學者察諸。
- 一 予弱齡受業於東郭子之門人。施治者十餘年矣。而立後來江戶。入綱齋。川先生門。遂爲養子。中川氏者。東洞翁之徒也。或曰和田氏者。東洞家除籍人也。不知然否。然有其言深切可取者。故往往記之。
- 一 享保以降。醫風一變。東垣丹溪之流。頗廢焉。曰雜方家。曰古方家。曰蘭方家。雜方家者。以半強之古方。半弱之後世方施治焉。和田氏之流而已。此輩極多矣。各病門之後。載方輿之方以備參考。
- 一 東洞先生。不取病名與病因。然自漢以前相傳之病名。有不取之則不便者。特假以載藥方耳。凡病宜隨症治之。後學勿拘泥于病名誤治焉。
- 一 本文中。往往有稱本書者。即證治祕訣也。予家藏之。

證治摘要目次

卷上

傷寒	一	癲癇狂健忘驚悸不寐	三〇
傷風	三	勞病失精盜汗陰痿	三二
瘟附斑疹	三	肺痿肺癰	三四
中寒	四	腸癰	三六
喝霍亂	五	諸失血	三七
中濕	七	痰飲咳嗽	三九
瘧	八	喘哮	四二
痢	〇	眩暈	四三
泄瀉	三	大便閉	四四
傷食宿食	四	小便閉	四四
嘔吐反胃膈噎	四	淋	四五
噎	八	消渴	四七
水腫	九	中風	四八
鼓脹腹滿	二	腳氣痿躄	五二
黃疸	四	痛風鶴膝風	五四
黃胖	六	頭痛	五六
癰疽疔	六	肩背痛	五八
蟲	九	心痛胸痹結胸	五八

腹痛	六〇	疔癰	九六
腰痛	六二	痘瘡	九八
眼	六三	麻疹	〇二
耳	六五	打撲金瘡破傷風	〇三
鼻	六六	蟲獸傷	〇六
牙齒	六八	湯火傷灸瘡燙瘡	〇八
口舌	七〇	諸骨哽竹木刺	〇九
咽喉	七二	微瘡	一〇
卷下		癰疽	一三
妊娠	七五	疔瘡	一五
產前後	七六	癰瘰	一六
經閉	八〇	疥癬膿瘡	一九
赤白帶下崩中漏下	八二	痔脫肛	二一
乳病	八四	卒死	二五
小兒初生雜治	八七	癰	二八
鵝口	九〇	附錄	
吐衄	九〇	家方	一三〇
丹毒	九一	製鐵粉法	一三二
夜啼客忤	九二	方輿所載後世方	一三三
馬脾風	九三	辨附子瞑眩與中毒	一五五
急慢驚	九四		

證治摘要卷上

東都 中川成章斐卿輯

傷寒

夫傷風寒治法。本論已盡矣。傷寒論則吾門日夜所講習也。今雖似蛇足。爲蒙生記傷寒傷風治法之梗概如左。

麻黃湯 大青龍湯 傷寒。頭痛發熱。身疼腰痛。無汗者。用麻黃湯。尙不汗出而煩躁。脈浮緊者。用大青龍湯。又初麻黃湯症。而有渴者。又發熱而渴。不惡寒。脈浮者。皆用大青龍湯而發汗。汗流則以手巾拭之。休息半時許。而復取汗。如此凡三日三夜而止。至四日有頭微痛。微惡寒。微渴。寒熱往來等證。則用小柴胡加桂枝石膏湯等。

小柴胡湯 大柴胡湯 傷寒五六日。往來寒熱。胸脇苦滿。心下痞硬而嘔者。用小柴胡湯。若鬱鬱微煩。大便鞭者。兼用大柴胡湯。若清便自調。而有渴者。小柴胡加石膏湯。漸加渴者。小柴胡合白虎湯。

小承氣湯 調胃承氣湯 張子和曰。一日一便。乃常度也。按病人亦然。殊傷寒者。以大便快通爲佳。故陽明篇曰。大便鞭則譫語。小承氣湯主之。若一服譫語止。更莫復服。又曰。胃氣不和。譫語者。少與調胃承氣湯。方極以腹滿。與急迫區別此二方。凡用柴胡及白虎等之症。宜腹滿而大便鞭者。兼用小承氣湯。急迫而大便鞭者。兼用調胃承氣湯也。

白虎湯 大承氣湯 傷寒六七日。大渴引飲。舌上乾燥而煩者。用白虎湯。至七八日。舌上黑。胎乾燥。潮熱便秘。腹滿譫語者。用大承氣湯。此症而有。大渴引飲。則白虎承氣並用。重者白虎五貼。承氣五貼。胃實甚者。用承氣五貼。而僅有大便一行。此症強人可治。羸者危矣。是初用達原飲。及柴胡桂枝湯等。而失取汗。是以十分之邪氣。皆輻縷腹。故見此症。初起用麻黃大青龍。而三日發汗。則邪氣半從汗去。決不至此重症也。余累試累驗。凡傷寒陽症初起。十之八九宜用大青龍。麻黃分量極多。發汗之。神方。無長於斯。但大便滑利。一二行者。亦有變陰疑。故用麻黃湯爲佳。近來信吳又可徒。不知發汗有效於外邪。初與達原輩而誤人性命者多矣。故表而出之。至汗下後變症之治法。則詳于本論。故不贅于此。

麻黃附子細辛湯 麻黃附子甘草湯 陰症初發。以此二湯。微汗之。若陰陽疑似之症。則先用麻黃湯。服後不微汗。但惡寒者。宜撲用此二湯。微汗後。變症之治法。詳于本論。

按外臺祕要。療大行病及溫病。一二日者。用麻黃石膏葛根等。厚覆取汗。以當知吳又可之非。

千金方云。傷寒雅士之辭云。天行溫疫。是田舍間號耳。肘後方云。貴勝雅言。總呼傷寒。世俗因號爲時行。外臺許仁則論。天行病云。此病方家呼爲傷寒。傷寒論集成云。王叔和以冬時者。爲傷寒。以他時者。爲時行。

寒疫。大非古義也。蓋疫卽傷寒。傷寒卽疫。其謂之疫。取諸役役不住。其謂之傷寒。取諸所感之源。略下按溫疫論。邪在膜原之說。如捕風捉影。妄誕附會。迷後人。不可從矣。

傷風

本事方云。今傷風。古謂之中風。按後世又謂之感冒。

桂枝湯 太陽病。頭痛發熱。汗出惡風者。

桂枝加葛根湯 太陽病。項背強几几。反汗出惡風者。

桂枝加厚朴杏子湯 桂枝湯證。而胸滿微喘者。

葛根湯 太陽病。項背強几几。無汗惡風者。

桂枝麻黃各半湯 桂枝湯。麻黃湯。二方證。相合者。

桂枝二麻黃一湯 桂枝湯證多。麻黃湯證少者。

桂枝二越婢一湯 桂枝湯證多。越婢湯證少者。

柴胡桂枝湯 小柴胡湯。與桂枝湯。二方證。相合者。

小柴胡湯 胸脇苦滿。或寒熱往來。或嘔者。

柴胡姜桂湯 小柴胡湯症。而不嘔不痞。上衝而渴。腹中有動者。

小柴胡加桂枝湯 小柴胡湯證。而上衝者。

小青龍湯 或加石膏 咳喘上衝。頭痛發熱惡風。乾嘔者。

瘟附症疹

大青龍湯 葛根湯加石膏或桔梗。小柴胡加石膏湯。大柴胡湯。或

加芒消石膏。 蟬針。 表裏俱解，腫不消者，日以水蛭入九枚，令吮腫上。

白虎湯。 治發班口燥，煩躁而渴者。 應鐘散。

按丹溪：耳下頤頰腫為蝦蟇瘟。回春：頭頂腫起曰大頭瘟。正合二症。名時毒。曰：夫時毒者，天行時氣之病也。初起與風寒相類，惟頭面耳項發腫為真。云云初用大青龍而發汗，後小柴胡加石膏湯。施蟬針。十二三日而愈。偶有膿潰者，宜從外治之法。發班初發，葛根湯。熱劇者大青龍湯。煩躁而渴者，白虎湯。或兼用犀角。後藤香川二翁治時毒，初用七味敗毒散，十味敗毒去人參前胡獨活，和田氏療時毒內陷咽喉腫痛者，用桔梗湯或涼膈加石膏湯。方輿載六物敗毒散及連翹湯、牛蒡芩連湯。

中寒

附子理中湯。 治五藏中寒，口噤四肢強直，失音不語。昔有武士守邊，大雪出帳外，觀膽忽然暈倒。時林繼作隨行，醫官灌以此藥兩劑，遂醒。

乾姜附子湯。 治中寒卒然暈倒，或吐逆涎沫，狀如暗風，手脚攣搐，口噤。

四肢厥冷，或復燥熱。三因方只載此二方。中寒病門。蓋始于此。

中寒之證，由平素體氣虛弱，冬月出外，一時為嚴寒所中，則口噤失音，偏體拘急，四肢厥冷，畏寒腹痛，脈息沉微，皆沉不知人事者，宜急用熱酒入生薑汁和而灌之，候少甦醒，然用姜酒，脈出者生，不出者死。灸法，神闕、丹

田、關元用艾火各灸三七壯。手足暖，脈至，知人事，汗出即生。如無汗，手足不暖，不省人事者，死。危證簡便。 謙齋曰：中寒者，後世所謂傷寒直中陰症也。有持亦云。

按病源千金及翼外臺聖濟皆無中寒病門。至宋末始立一病門。予意中寒者，凍死之輕者也。艮山翁云：中寒者，凍病也。櫟窓先生編輯急救選方，合中寒與凍死爲一病門，大得予意。世俗稱中寒者，傷風症或兼痧者，間亦有焉。宜隨證治之。方輿載桂枝湯及桂枝人參湯，當歸四逆，同加吳茱萸生薑湯，四逆湯。

喝霍亂 宜與傷食門參考

白虎加人參湯 金匱云：太陽中熱者，喝是也。汗出惡寒，身熱而渴。

按聖濟中喝門，初載白虎湯，其主治云：治中熱喝，頭痛汗出，惡寒發熱而渴。

五苓散 脈浮，小便不利，微熱消渴者。治傷暑煩渴，引飲無度。三因方

治傷暑身熱，口乾煩渴，心神恍惚，小便赤澀，大便泄瀉者。四卷 按水

瀉加滑石散。霍亂頭痛發熱，身疼痛，熱多欲飲水者，五苓散主之。寒

多不用水者，理中丸主之。渴欲飲水，水入則吐者，名曰水逆。按嘔

吐或加半夏生薑去桂。

理中湯 按千金霍亂門，治中湯，即此方也。方後文云：若轉筋者，加石膏

三兩，二因方亦加石膏。醫通云：脈雖沉細而轉筋，煩躁發熱者，當作熱

治。大抵霍亂一毫口渴轉筋者，即係熱症。謙齋云：轉筋皆熱症。聖濟霍

亂轉筋門。無附子劑。外治有淋足附子湯。東郭云。四逆湯證。有轉筋。輕而不甚者也。別錄及活人書。濟世本草。轉筋或用附子劑。宜詳察而處方也。

吳茱萸湯 少陰病吐利。手足厥冷。煩躁欲死者。

按此方。主嘔吐煩躁。四逆湯主下利厥冷。有持曰。霍亂後。手足厥逆者。四逆湯之所主也。此症而嘔不止。煩躁者。吳茱萸湯症也。此湯以嘔吐爲準。世醫用小半夏等無效。術盡束手時。用此方。奏意外之效。然藥苦烈。宜少少頻服之。

桂枝湯 吐利止而身痛不休者。

小半夏湯 或加茯苓 茯苓四逆湯 四逆湯或加參 通脈四逆加

豬膽汁湯。

雞屎白散 治轉筋入腹者。治霍亂轉筋入腹欲死。聖傳

生薑五兩切 右一味。用無灰酒一升。煎取入合。頓服。便差。

灸足外踝骨尖。上七壯。治轉筋十指拘攣。不能屈伸。景岳

霍亂吐瀉不已。灸天樞氣海中脘。四穴立愈。正傳

霍亂已死。而胸中尚有煖氣者。灸之立甦。其法以鹽填滿臍孔。灸之不計

壯數。正傳

按此灸極妙。吐利厥冷。煩躁。冷汗出者。灸神闕數十壯。屢得效。霍亂治法。無捷於斯。

轉筋不止起死之方。灸承筋。又不止則灸湧泉。外臺

又轉筋灸承山。針經指南

千金方霍亂治四逆吐少嘔多者。用附子粳米湯。心下痞。用甘草瀉心湯。凡此病。定一日不食爲佳。

備急圓 大承氣湯 此二方治乾霍亂。

乾霍亂之狀。心腹脹滿。攪刺疼痛。煩悶不可忍。手足逆冷。甚者。流汗如水。大小便不通。求吐不出。求利不下。須臾不救。便有性命之慮。宜急與巴豆等。三味丸服之。服取快利。外臺許仁則論。三味丸即備急丸也。病源云。其腸胃先挾實。故不

吐利。名爲乾霍亂也。案奇效厚朴湯。療乾霍亂。即大承氣加良姜湯也。

千金。治乾霍亂。有鹽吐方。正傳云。乾霍亂。死在須臾。升降不通故也。宜吐

以提其氣。最良法。景岳舌捲囊縮。轉筋入腹者死。門入和田氏轉筋甚者。

用良方吳茱萸湯。吳茱萸木瓜食鹽三味等分。同炒令焦。水煎服。回春

云。夏月有四證傷寒。傷風。中暑。熱病。疑似難明。

按夏月不拘遠行家居。壯熱無汗者。傷風寒之類也。宜用麻黃大青龍

等。而發汗也。有汗而渴者。中暈也。宜用白虎五苓等也。古云。暑傷氣

分汗如傾。方輿載香薷飲及消暑湯生脈散。

中濕

麻黃加朮湯 濕家身煩疼。發其汗爲宜。

麻黃杏仁薏苡甘草湯 一身盡痛。發熱日晡所劇者。濕家始得病時。

可與此方。

外臺

桂枝附子湯 身體疼煩不能自轉側者。

桂枝附子去桂加朮湯 前方證而大便堅小便自利者。

甘草附子湯

主治見痛風

病因考及說約中濕門載五苓散香川氏云小便不利四肢浮腫而渴者艮山翁云濕氣從小便去也和田氏中濕初發有

汗者用桂枝加朮湯。

按金匱云中濕之脈沉而細小便不利大便反快此中濕之一候也中濕初一身盡痛不異痛風然如法施治則不踰月而瘥不似痛風桂萸彌歲月金匱謂中濕死症者因其誤治也意中濕者痛風之輕者也。

瘥

桂枝麻黃各半湯 桂枝二麻黃一湯 桂枝二越婢一湯 柴胡桂枝

湯 柴胡姜桂湯

津液為濕瘥宜續用此二方。

柴胡去半夏加栝蒌湯 瘥病發渴者。

亦治久瘥。

柴胡加芒消湯 欲成瘥母者。

白虎加桂枝湯 溫瘥者。

牡蠣湯 蜀漆散 夾鐘丸 大柴胡湯 張會卿云小柴胡湯加常山

二錢截瘥如神。

截瘥湯 方家 常山 草菓 知母 貝母 冬等分 右四味以酒三勺漬之夜露

一宿發日早晨以水二合煮取一合服臨發查再煎服或草菓代檳榔

最效。

又截瘧方

發日早晨用備急丸一分或用吐劑亦效。

按外臺有單常山湯煎法服法如截瘧湯。問曰瘧五六發則宜服截萆。每日發者宜候十四五日後邪氣漸衰而截之。截萆宜陽瘧不宜陰瘧。陰瘧者宜候數發之後爲陽瘧而截之。陰陽謂晝夜也。小兒瘧疾因蟲者或兼服鷓鴣菜湯。瘧用附子劑者希有焉。千金瘧門有附子劑三方。外臺八方宜隨證治之。凡瘧瘵後禁飲酒房事遠行。瘧并瘧母灸法。青際自七九至十三四椎。瘧振寒少熱面青大便秘泄者用萆附湯。生濟和田氏截瘧灸法灸大椎尖頭七壯或灸章門不截則灸承山。尙無效者灸湧泉。又云凡瘧者惡寒始於足指頭有此症者瘧症不具亦爲瘧治而可也。又云瘧用常山劑不愈者化毒丸二分發日早晨冷水服有效者必下黑便也。若暝眩則輕者用冷水重者冷水內朱或石膏攪服或藍葉煎服。又云瘧母用龜甲類難治者用化毒丸二分效。按醫方考云瘧發時獨寒無熱脈遲者用七寶湯卽附子大棗生姜也。又云瘧發時頭疼身熱脊強脈浮者大陽症也麻黃羌活湯主之麻黃羌活防風甘草四味也。瘧疾寒熱轉大者從卯至午發宜柴胡湯從午至酉發者邪在內宜大承氣湯從酉至子或至寅發者邪在血宜桃仁承氣湯下之微利後更以小柴胡湯撤其邪可也。藥方治瘧病苦渴。外烏梅二十右一味以水三盞煎取一盞半去烏梅和蜜一

匙分二服。瘧脈弦而緊宜下。浮大者宜吐。弦遲者宜溫。傳正牛山云。凡瘧疾。二三發之中。宜用發散劑。方輿載柴胡龍甲湯及龍甲一味酒服散菓。

痢

葛根湯 痢有表證者。用此湯。三四日宜發汗。

葛根加半夏湯 前方證而嘔者。

葛根黃連黃芩湯 痢惡寒止有熱者。或下利脈促。喘而汗出者。

黃芩湯 痢腹拘急。心下痞者。

黃芩加半夏生薑湯 前方症而嘔者。

大柴胡湯 心下痞有身熱者。

論曰。發熱。云云心下痞。嘔吐而下利者。按之心下滿痛者。

厚朴七物湯 痢腹滿者。或中脘否塞者。傳正

大承氣湯 身熱腹滿。心下痛甚。口舌乾燥者。論曰。自利清水。云云心下

必痛。口乾燥者。下利三部。云云按之心下堅者。下利脈遲而滑者。

白頭翁湯 熱利下重者。下利欲飲水者。以有熱故也。熱多難用下

劑者。紀

白頭翁加甘草阿膠湯 熱利下重。帶膿血者。產後下利虛極。金匱按產

後痢妙。

黃連湯 半夏瀉心湯 熱解痢減。心下痞。或痞鞭。食不進者。宜撰用此